

法令一

諭旨

十一月初三日內閣奉 上諭所有四時祭享祝版內

醇賢親王應稱爲 本生祖考醇賢親王 醇賢親王嫡

福晉應稱爲 本生祖妣醇賢親王嫡福晉一切典禮謹

照光緒十六年欽奉 大行太皇太后懿旨永遠遵守將

此通諭知之欽此

十一月初四日內閣奉 上諭國家現遭 大事尙未逾

十五日照例不應奏事乃該大學堂總監督劉廷琛於本

日遽行呈遞封奏殊屬不合著傳旨申飭欽此

十一月初五日內閣奉 上諭本日禮部奏朕登極事宜

一摺覽奏益增感慟惟念 大行皇帝以 祖宗丕緒

傳付朕躬勉從所請以明年爲宣統元年依欽天監所擇

吉日於十一月初九日辛卯午初刻舉行登極頒詔鉅

典所有一切應辦事宜各該衙門敬謹豫備欽此 同日

奉 上諭 大行太皇太后梓宮暫不奉移卽以 皇極

殿爲 暫安殿所有應行奉移後典禮著於 宮中大事

二十七日後敬謹舉行欽此

十一月初六日 攝政王面奉 皇太后懿旨正月十四

日係 宣宗成皇帝忌辰例不升殿受賀皇帝萬壽著俟

釋服後每年於正月十三日行慶賀禮欽此

十一月初七日內閣奉 上諭大理院民科推丞著王式

通補授欽此

十一月初八日內閣奉 上諭錫良奏總兵呈請開缺修

墓一摺雲南騰越鎮總兵張松林著准其開缺欽此 同

日奉 上諭雲南騰越鎮總兵員缺著趙金鑑署理欽此

十一月初九日 奉 天承運 皇帝詔曰我大清誕膺

天命累洽重熙仰維 太祖 太宗肇造鴻業 世祖

奠定神州 聖祖 世宗 高宗 仁宗 宣宗 文宗

穆宗 聖 聖相承功崇德茂逮我 大行皇帝臨御

天下三十有四年宵衣旰食勤求治理上稟 孝貞顯皇

法令一 醫

五十四

十二月

后 大行太皇太后慈訓簡任親賢撫綏區夏維新政治  
 中外同欽方期景祚延洪及時布憲迺 聖躬弗豫於光  
 緒三十四年十月二十一日 龍馭上賓欽奉 遺詔祇  
 遵 大行太皇太后懿旨以朕承繼 穆宗毅皇帝為嗣  
 並秉承 大行皇帝之祧入承大統神器至重責在藐躬  
 朕自維沖齡薄德懼弗克勝願念 列聖詒謀之善 大  
 行皇帝付託之隆勉抑哀思恪遵 成命於十一月初九  
 日 祇告 天地 宗 廟 社稷即皇帝位以明年為宣  
 統元年仰迪 前光永綏多福撫黃圖而續緒宣紫綬以  
 頒恩所有事宜開列於後 一在京在外諸王以下至公  
 等以上俱加恩賜 一內外自公主以下至格格各加恩  
 賜 一內外滿漢文武大小官員俱加一級 一內外大  
 小各官除各以現在品級已得封贈外凡升級及改任者  
 著照新銜封贈 一文官在京四品以上在外三品以上  
 武官在京在外二品以上照現任品級各廕一子入監讀  
 書 一內外文職自四品以下武職自三品以下降革留

任及住俸罰俸處分准其開復 一各直省儒學無論府  
 州縣衛俱於宣統元年以正貢作恩貢次貢作歲貢 一  
 每府州縣衛各舉孝廉方正暫賜以六品頂戴榮身以備  
 詔用務期採訪真確毋得濫舉 一 歷代帝王陵寢  
 孔子闕里及五嶽四瀆等祀應遣官致祭者照舊例行  
 一官吏兵民人等有犯除謀反叛逆子孫謀殺祖父母父  
 母內亂妻妾殺夫奴婢殺家長一家非死罪三人探生折  
 割人謀殺故殺真正人命盡毒魔魅毒藥殺人強盜妖言  
 十惡等真正死罪不赦外軍務獲罪隱匿逃人亦不赦外  
 其餘自光緒三十四年十一月初九日以前已發覺未發  
 覺已結未結者咸赦除之有以赦前事告許者以其罪罪  
 之一各省軍流人犯查明到配三年實在安靜守法及  
 年逾七十者釋放回籍 一各旗籍內務府及五旗包衣  
 人等凡侵貪挪移一切賠罰應追銀兩實係本人家產盡  
 絕者查明准予豁免其分賠代賠以及牽連著賠者一概  
 豁免 一凡官員因公賠罰等項而其子孫又代祖父著

賠者查明豁免 一旗營官兵有因出征及被災借支俸餉者免其扣還 一滿漢兵丁有曾經効力行間因被傷年老閒住者除例得優卹外查明酌加恩賞 一各直省有同堂五世及親見七代者除例賞匾額外查明各加恩賞 一天下之本農為重各府州縣衛果有勤於耕種務本力作者地方官不時加獎以示鼓勵 一除五旗包衣佐領下披甲八等不賞外八旗滿洲蒙古漢軍護軍披甲人職手步軍各賞一月錢糧 一軍民年七十以上者許一丁侍養免其雜派差役八十以上者給與九品頂戴九十以上者給與八品頂戴百歲以上者給與七品頂戴一百二十歲以上者給與六品頂戴百歲至一百二十歲以上者均仍題明給與建坊銀兩 一各處養濟院所有鰥寡孤獨及殘疾無告之人有司留心以時養贍無致失所於戲不基寅紹敢忘兢惕之思庶績辰凝實賴勳勳之佐爾諸王文武大小臣工其各矢公忠以弼予沖人用固我國家億萬年無疆之祚布告天下咸使聞知

法令一 諭旨

十一月初十日內閣奉 上諭朕繼承大統登極禮成追念 前謨彌深乾惕仰維 列聖相傳之治法無非敬天法 祖勤政愛民凡 先朝未竟之功莫不敬謹繼述本年八月初一日 大行皇帝欽奉 大行太皇太后懿旨嚴飭內外臣工務在第九年內將各項籌備事宜一律辦齊屆時即行頒布欽定憲法並頒布召集議員之詔各等諭煌煌 聖訓薄海同欽自朕以及大小臣工均應恪遵前次 懿旨仍以宣統八年為限理無反汗期在必行內外諸臣斷不准觀望遷延貽誤事機尙其激發忠義淬勵精神使憲政成立朝野乂安以仰慰 大行太皇太后大行皇帝在天之靈而鞏億萬年邦治之基朕有厚望焉欽此

十一月十四日內閣奉 上諭陝西同州府知府員缺著瑞清補授欽此

十一月十五日內閣奉 上諭內閣各部院衙門會同議上 大行皇帝 尊諡曰 景皇帝 廟號曰 德宗上

五十五

戊申

法令一 諭旨

五十六

十二月

配 列聖同為百世不祧之廟欽惟 大行皇帝執中御宇 運啟維新秉哲綏猷 恩周無外合環瀛而共戴實

巍蕩以難名今廷臣所議詳慎公允於 大行皇帝誠

民敷治之宏謨洵相符合深協朕懷此天下萬世之公論

而非朕一人哀慕尊崇之私願亦非臣下揄揚頌美之諛

詞也謹據所奏恭上 尊諡 廟號所有應行典禮該部

敬稽成例以聞欽此 同日奉 上諭前奉 大行太皇

太后懿旨命攝政王監國所有應行禮節著內閣各部院

會議具奏欽此事隔多日尚未覆奏著各該衙門妥速定

議毋再延玩欽此

十一月十七日內閣奉 上諭十一月二十九日冬至大

祀 天於 園丘遣莊親王載功恭代行禮 四從壇遣

鐵麟承蔭錫露榮墩各分獻欽此 同日奉 旨 列聖

御極之初均恭書扁額懸掛 文廟茲朕寅紹丕基敬循

舊典命南書房翰林恭書中和位育扁額交造辦處成造

一分敬懸京師太學 文廟其墨筆著俟衍聖公孔令貽

到京時由軍機處交領敬謹寶回製造扁額於闕里 文

廟恭懸墨筆無庸繳回即於闕里收藏所有各直省府州

縣學著武英殿摹勒頒發一體懸掛欽此

十一月十八日內閣奉 上諭湖北宜昌鎮總兵員缺著

潘源調補所遺廣東南韶連鎮總兵著戴慶有補授欽此

同日奉 旨十六日恭請 大行皇帝梓宮之校尉民

夫加恩著該衙門按照名數每人賞給一兩重銀鏤一箇

由廣儲司給發欽此

十一月二十日內閣奉 上諭欽惟 大行慈禧端佑康

頤昭豫莊誠壽恭欽獻崇熙太皇太后 德涵萬有 澤

被羣生 秉坤元而協乾元以 母範而兼帝範 垂簾

訓政勤勞歷四十七年重譯來賓 聲譽播五洲萬國緬

懷 懿歟宜晉 徽稱今據內閣各部院衙門敬謹擬上

尊諡仰維 慈愛追慕無窮謹於 徽號十六字敬謹

全留合之恭上 尊諡稱曰 孝欽慈禧端佑康頤昭豫

莊誠壽恭欽獻崇熙配天與聖顯皇后允足昭垂萬禩式

表尊崇薄海同欽成瞻鉅典所有應行典禮該部敬稽成例具奏欽此 同日奉 上諭內閣各部院等衙門前奏謹遵 大行太皇太后懿旨會議 監國攝政王禮節一摺尙屬周妥業由 監國攝政王呈請 皇太后御覽應照所議辦理著各衙門一體遵行欽此 同日奉 上諭陸軍部奏宮禁重地守衛宜嚴稽查宜密一摺近來門禁日漸懈弛亟應詳定章程嚴申誥誦嗣後稽察守衛宮禁事宜務須恪守舊規認真辦理著即派貝勒載瀾毓朗尙書鐵良總司稽察守衛以重宮禁而肅典章餘依議欽此 十一月二十一日內閣奉 上諭前據松壽電奏福建漳州龍溪南靖廈門等屬被災當經諭令設法拯濟認真撫輯並將續查情形具奏茲據查明電奏除廈門被水卽退無礙秋成外其漳州府屬之龍溪南靖等縣均被水沖決堤岸坍塌房屋淹斃人口衆多哀鴻遍野慘不忍聞等語覽奏殊堪憫惻加恩著賞給帑銀四萬兩由度支部發給該督卽遴派印委妥員前往災區切實散放務令實惠均

法令一 諭旨

霽母任失所用副朝廷軫念災黎至意餘著照所請辦理該部知道欽此

十一月二十二日內閣奉 上諭詹昌奏遵旨校閱陸軍會操情形一摺據陳此次會操始末情形並披覽軍圖於江鄂兩軍部署之方攻守之術頗爲完密端方陳夔龍督率將士簡練有方深堪嘉許仍著督飭認真訓練以整戎行用副朝廷整軍經武實事求是之至意欽此 同日奉 上諭陸軍部奏兩翼牧羣積弊太深擬請變通以資整頓一摺牧政關係重要亟應及時籌辦藉儲軍備張家口外左右兩翼牧羣著派副都統崑源爲統轄總管於兩翼適中地方擇要駐紮認真經理仍著陸軍部隨時考察以期牧政日有起色餘依議欽此

十一月二十三日內閣奉 上諭立國之道以民爲本我孝欽顯皇后 德宗景皇帝宵旰焦勞勤求民瘼無時不以己飢已溺爲懷朕御宇方新心存繼述尤當以愛民爲首務閭閻謀生終歲勤苦豐稔僅免凍餒荒歉卽多流

五十七

戊申

法令一 醫官

雖每念及此良深惻惻倘復擾之以胥吏掠之以盜賊劣紳痞棍又從而魚肉之嗟我赤子其何以堪是全在為民牧者激發天良仰體朝廷惠保之德勉副蒼生望治之心勸善懲惡盡心民事方可云無忝職守今之所謂循吏者大率用心於催科聽斷緝捕等事視為己能盡職而不知牧民之道首在撫字應如何為民興教育應如何為民籌生計應如何使遊惰習為勤勞使獷悍化為馴良凡此數端皆為治本惟在賢有司悉心規畫實力奉行以期民享康樂國臻治安則上考超遷自當不期而至各直省督撫司道均有察吏之責尤當振刷精神為民造福所屬人員必須認真考察秉公甄別思得一人而數十萬生民安樂失一人而數百里地方愁苦一家一路執軌輕重此理諒所夙聞朕仰承 先志軫念民生如有不肖守令罔恤民隱墜蔽德意國法具在斷難姑容該管大吏若用人不公率屬不嚴勸懲不明以致所屬廢弛治理漸失民心亦不能為爾等有也將此通諭知之欽此 同日奉 上諭本

五十八

十二月

月二十八日達賴喇嘛出京回藏派御前大臣博迪蘇送至保定其經過地方著沿途各督撫將軍等酌派文武大員妥為護送照料欽此

十一月二十四日內閣奉 上諭憲政編查館奏定逐年籌備事宜關係重要將來頒布欽定憲法並頒布召集議員之詔全視乎此是以朕登極後特申誥誠期於迅速圖功以慰薄海臣民之望茲據軍機處王大臣奏請設立變通旗制處自應簡派大員專司其事著即派貝子溥倫鎮國公載澤大學士那桐侍郎寶熙熙彥達壽總司變通旗制會同軍機王大臣辦理該大臣等務當即行開辦毋稍遷延其餘本年應行籌辦之處各該衙門著一律按照單開各節迅速舉辦以副朕孜孜圖治實事求是之至意欽此 同日奉 上諭現值國勢積弱庶政待舉而財用為辦事根本多一糜費即增一漏卮亦即少一實用朝廷軫念物力躬行節儉為天下先凡屬內外臣工宜如何仰體時艱力求敦樸乃迭據言官條奏近來仕途習氣踵事增

華日益奢侈迨用度不繼則又多方取盈而一切齷綠奔競之風亦因之百出爲長官者或見好屬僚或瞻徇情面輒聽冗員坐領厚貲抑知臣工所食之薪俸何莫非國家之帑項何莫非吾民之脂膏倘浪費滋多則正用必至竭蹶而要政皆從而廢弛上之何以對國家下之何以對庶民試使撫衷自問能無慚疚於心朝廷設官詔精原使餼廩足以稱事祿入足以養廉並非爲調劑閑冗地步嗣後著京外各衙門長官嚴飭所屬崇尚節儉屏戒浮華以爲澄敝官方之本其有真能實心任事之人自應優給俸薪以勸賢勞而資養贍此外凡有掛名津貼之款項以及濫竽充數之人員均須綜覈名實認真淘汰勿得挾姑息之私見博寬厚之虛聲致負朝廷整飭仕風諄諄誥誥之至意欽此

十一月二十五日內閣奉 上諭本年九月二十九日

德宗景皇帝欽奉 孝欽顯皇后懿旨飭各衙門統限六

箇月內各就本管事宜以九年應有辦法分期臚列奏明

法令一 諭旨

各等因 聖謨遠大遐邇同欽在廷諸臣均應恪謹遵守實力奉行著各該衙門懍遵前次 懿旨依限辦理勿得稍涉延誤欽此 同日奉 上諭兼祧 母后皇太后孝事 孝欽顯皇后作配 德宗景皇帝宮闈贊化懋著徽音今據內閣具奏恭上 徽號曰 隆裕皇太后洵足導揚 懿懋式表尊崇所有一切應行典禮著該衙門敬謹辦理欽此 同日奉 上諭津浦鐵路前經張之洞袁世凱梁敦彥會奏預定將來官商合辦法迨至第十年後國家清還借款之時准令三省紳商自集成本將此項股票撥與一半任其收回此項津浦鐵路卽爲官商合辦之路續據呂海寰奏預籌招股章程因此路南端經由皖境添入安徽一省共爲四省內開十年後官商合辦無論何年不得退還商股均經允准茲復據呂海寰代表奏四省津浦鐵路有限公司文稱羣情疑畏觀望不前等語此路既定爲將來永遠官商合辦自無將商股退還之理經此次明白宣諭後該大臣務當勸導各省紳商協力相濟籌集路

五十九

戊申

股俾免贖賂時稍有貽誤以溥樂利而昭大信欽此 同日奉 上諭錫良奏甄別庸劣不職各員一摺雲南丁憂候補同知鍾鼎銘誇詐貪婪肆無忌憚前代理路南川知州有冒銷科罰濫押斃命之案著永北應同知准補羅次縣知縣黎肇元貌似有才行實荒謬歷任差缺膽大輕率貽誤甚多著彌渡通判另補同知秦定基庸闇無能懲不知戒縱差釀命輿論沸然卸署南安州知州准補潯甸州知州林堃遇事欺朦操守難信並縱容其子干預公事被控有案邱北縣知縣楊萬選辦事謬戾敢於作偽監獄屢飭改良玩違不遵釀成越獄重案均著即行革職准補戚遠應同知彭祖詒年力已衰難期振作著開缺以原品休致元謀縣知縣郭奎光性情滑懶辦事玩延著開缺另補徐著照所議辦理該部知道欽此 同日奉 上諭楊士驥奏查明災歉州縣請蠲緩糧租一摺本年順直地方自春徂夏雨澤愆期至七八月間節次大雨河水漲發以致濱臨各河窪地禾稼均多被水並因天時不齊各屬有被

雹被盪被旱之處若將應徵錢糧照常徵收民力實有未逮加恩著照所請所有武清等十八州縣成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之二各項旗租著蠲免十分之一成災八分村莊應徵本年錢糧著蠲免十分之四各項旗租著蠲免十分之二成災九分村莊應徵本年錢糧著蠲免十分之六各項旗租著蠲免十分之四應徵屯米穀豆草束竈課學租旗產錢糧河淤海防經費儲備軍餉廣恩庫租通津二幫屯租一併分別蠲緩其陸軍部馬館租鑾儀衛租永濟庫租代徵租及出借倉穀籽種口糧牛具等項著一體緩徵並分別減免差徭又甯河等二十州縣歉收四分村莊應徵本年節年糧租並歉收三分村莊應徵節年糧租屯米穀豆草束竈課學租旗產錢糧河淤海防經費儲備軍餉廣恩庫租陸軍部馬館租鑾儀衛租通二幫屯租永濟庫租代徵租並出借倉穀籽種口糧牛具等項均著緩至宣統元年麥後啟徵並減免差徭以紓民



力餘著照所議辦理該督卽刊刻謄黃徧行曉諭務使實惠均霑毋任胥吏舞弊用副朝廷軫念民艱至意該部知道欽此 同日奉 上諭楊士驤奏查明開州等三州縣災歉情形分別蠲緩糧賦一摺直隸開州東明長垣三州縣濱臨黃河村莊本年被水秋禾歉收若將應徵糧賦照常徵收民力實有未逮加恩著照所請所有開州等三州縣成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之二成災八分村莊應徵本年錢糧著蠲免十分之四其成災五六七分村莊蠲贖錢糧著緩至宣統元年秋後起分作二年帶徵成災八分村莊蠲贖錢糧著緩至宣統元年秋後起分作三年帶徵至被災各村莊未完節年錢糧及歉收四分村莊未完本年節年錢糧同歉收三分村莊未完節年錢糧暨出借倉穀等項均著緩至宣統元年秋季後啟徵仍減免差徭以紓民力餘著照所議辦理該督卽刊刻謄黃徧行曉諭務使實惠均霑毋任胥吏舞弊用副朝廷軫念民艱

法令一 諭旨

至意該部知道欽此

十一月二十六日 監國攝政王面奉 隆裕皇太后懿

旨皇帝尙在沖齡一時未能臨幸頤和園著該管大臣飭

令司員等將殿座陳設妥爲封存看守其輪船電燈官役

著卽撤銷差使所有船燈各項物件交管理頤和園大臣

派員接收看管欽此 監國攝政王鈐章軍機大臣署名

同日內閣奉 上諭朕入承大統登極禮成已敬謹恭上

皇太后徽號鉅典昭垂允宜覃敷恩澤惟思推恩之序

尤宜首重親賢慶親王奕劻公忠體國懋著賢勞庚子以

來顧全大局殫心輔弼力任其難厥功甚偉應加優賞用

獎勵猷加恩著以親王世襲罔替王其敬承恩命母得固

辭藍筆諭旨繳進欽此 監國攝政王鈐章軍機大臣署

名 同日奉 上諭朕入承大統登極禮成已敬謹恭上

皇太后徽號鉅典昭垂允宜覃敷恩澤軍機大臣世續

等忠清亮直翊贊維勤勞怨不辭深堪嘉許世續著賞加

太子少保銜賞用紫韁張之洞著賞加太子少保銜賞用

法令一 諭旨

紫韁鹿傳霖著賞加太子少保銜賞用紫韁袁世凱著賞加太子太保銜賞用紫韁藍筆諭旨繳進欽此 監國攝

政王鈐章軍機大臣署名 同日奉 上諭朕入承大統

登極禮成已敬謹恭上 皇太后徽號鉅典昭垂允宜覃

敷恩澤恭親王溥偉著賞穿帶膝貂褂貝勒載瀛載潤均

著賞食雙俸貝勒載洵載濤均著賞加郡王銜貝勒毓朗

著賞食雙俸貝子溥倫著賞食貝勒俸鎮國公載澤著賞

加貝子銜鎮國公溥侁著賞食雙俸貝子銜鎮國將軍載

振著賞食貝子俸載據溥侗均著賞加不入八分輔國公

銜溥倬著賞給頭品頂戴那彥圖著賞食雙俸善著著賞

給四正龍補服博迪蘇著賞加貝子銜孫家鼐著賞用紫

韁那桐著賞加太子少保銜榮慶著賞食尙書雙俸奎俊

繼祿增崇景澧均著賞食都統雙俸鐵良著賞穿黃馬褂

徐世昌著賞戴花翎楊士驥端方均著賞穿帶膝貂褂藍

筆諭旨恭繳欽此 監國攝政王鈐章軍機大臣署名

同日奉 上諭此次驗看進士館畢業學員考列中等之

法部主事馬步瀛著以原官留部補用游學畢業生考列優等之李鳴謙著賞給商科舉人欽此 監國攝政王鈐章軍機大臣署名